

TULAFONO TAU FAAOFI O TEUTEUGA O LE TULAFONO O LAFOGA O TUPE MAUA 2021

SAMOA

Faamatalaga e Faamalamalama ai

1.0 Sini ma mafuaaga:

- 1.1 Ua talosagaina i le Tulafono Tau Faaofi le teuteuina o le Tulafono o Lafoga o Tupe Maua 2012 (“Tulafono”).
- 1.2 O sini autu o le Tulafono Tau Faaofi e faapea:
 - (a) ia aveesea aiaiga uma ia o lo o faatatau i le faaeeina atu o lafoga i luga o tupe maua a faifeau tausi nuu;
 - (b) ia aveesea noataga uma ia na faaee atu i luga o faifeau tausi nuu e tusa ma lafoga i luga o a latou tupe maua o totogi; ma
 - (c) ia aofia tupe maua a faifeau tausi nuu i lalo o tupe maua e tuusaunoa mai lafoga.

Fuaiupu:

Fuaiupu 1: - ua aiaia ai mo le igoa puupuu ma le amataga.

Fuaiupu 2: - ua teuteuina ai le fuaiupu 2 o le Tulafono e ala i le soloia o le faamatalaina o “faifeau tausi nuu”; ma faasinomaga i ‘faifeau tausi nuu’ o lo o i lalo o le faauigaina o le upu “tagata faigaluega”.

Fuaiupu 3: - ua teuteuina ai le fuaiupu 61 o le Tulafono e ala i le soloia o le faafuaiupu (1)(g); faafuaiupu (10) ma le faafuaiupu (11) ia e faasino i lafoga o tupe maua a faifeau tausi nuu.

- Fuaiupu 4:** - ua teuteuina le fuaiupu 93 o le Tulafono e ala i le soloia o le faafuaiupu (3) o le aiaiga lea e faasino i lafoga taofiofi o tupe maua a faifeau tausī nuu.
- Fuaiupu 5:** - ua teuteuina ai le fuaiupu 93A o le Tulafono e ala i le soloia o le faafuaiupu (2); faafuaiupu (3) ma le faafuaiupu (4). O nei aiaiga o lo o aiaia ai e faapea, o le tiute tauave o le faifeau tausī nuu o le filifili lea a le o le faatoai atu e ia lava o faamatalaga faafoi o lafoga o tupe maua o lona totogi ma totogi aso, po o le filifili e faataunuu e se isi vaega auai ina ia faatino ai lona tiute tauave lea e avea ai ma ona sui.
- Fuaiupu 6:** - ua teuteuina le faamatalaga 2 o le Tulafono e ala i le faaofiina i totonu o le Vaega A(1) o se parakalafa (1) fou ina ia aofia ai tupe maua a faifeau tausī nuu i lalo o tupe maua e tuusaunoa mai lafoga.
- Fuaiupu 7:** - ua aiaia ai mo aiaiga tau soloaiga ina ia faamanino ai e faapea o noataga ia na faaee i faifeau tausī nuu i lalo o aiaiga ua soloia o le Tulafono ina ia tatau ona totogiina ia Novema, ua faalēaogāina ma e lē aloaia i le taimi e amata faamamaluina ai lenei Tulafono.



(Hon TUALA Tevaga Iosefo Ponifasio)
MINISITA O TIUTE MA TUPE MAUA

**TULAFONO TAU FAAOFI O TEUTEUGA O LE
TULAFONO O LAFOGA O TUPE MAUA 2021**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 2
3. Ua teuteuina le fuaiupu 61
4. Ua teuteuina le fuaiupu 93
5. Ua teuteuina le fuaiupu 93A
6. Ua teuteuina le Faamatalaga 2
7. Aiaiga tau soloaiga

2021, Nu.

O SE TULAFONO TAU FAAOFI UA TAUA

**O SE TULAFONO e teuteu ai le Tulafono o Lafoga o Tupe Maua 2012
("Tulafono Autu").**

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o Lafoga o Tupe Maua 2021 ma e amata faamamaluina i le aso 12 o Novema 2021.

2. Ua teuteuina le fuaiupu 2:

Ua teuteuina le fuaiupu 2 o le Tulafono Autu e faapea:

- (a) i le faamatalaina o upu “tagata faigaluega”, ia aveese upu “ma e aofia ai faifeau tausii nuu o ekalesia”; ma
- (b) ia soloia le faamatalaina o upu “faifeau tausii nuu o ekalesia” ma lona uiga.

3. Ua teuteuina le fuaiupu 61:

Ua teuteuina le fuaiupu 61 o le Tulafono Autu e ala i le soloia o le faafuaiupu (1)(g); faafuaiupu (10) ma le faafuaiupu (11).

4. Ua teuteuina le fuaiupu 93:

Ua teuteuina le fuaiupu 93 o le Tulafono Autu e ala i le soloia o le faafuaiupu (3).

5. Ua teuteuina le fuaiupu 93A:

Ua teuteuina le fuaiupu 93A o le Tulafono Autu e ala i le soloia o le faafuaiupu (2) e oo atu i le (4).

6. Ua teuteuina le Faamatalaga 2:

Ua teuteuina le Faamatalaga 2 o le Tulafono Autu e ala i le faaofiina i totonu o le Vaega A(1), o se parakalafa (l) fou e faapea:

- “(l) o tupe e maua e se Faifeau Tausii Nuui o se Ekalesia pe afai -
 - (i) o le galuega patino a lea Faifeau o le taitaiga faaleagaga o se faapotopotoga faapitoa i totonu o Samoa; ma

- (ii) o ia tupe maua e aofia ai saofaga tau tupe e faia e sui o le aulotu; ma
- (iii) ua faamaonia lea Faifeau Tausi Nu'u o Ekalesia e le Komesina mo faamoemoega o lenei parakalafa;".

7. Aiaiga tau soloaiga:

I le taimi e amata faamamaluina ai lenei Tulafono, ua faalēaogāina ma ua faapea foi ona lē toe manaomia le faamalosia o noataga ia na faaee atu i Faifeau Tausi Nu'u o Ekalesia e faatoai atu ai a latou faamatalaga faafoi o lafoga o tupe maua i lalo o aiaiga ua soloia nei mo le masina o Oketopa, lea e tataua ona totogi atu i le aso 15 o Novema 2021.
